



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Responsoria Alexandri III. Papæ ad superiorem epistolam.

urn:nbn:de:hbz:466:1-14735

plurimum apud vos sancti Pontificis meritum & constitutio debuit suffragari, qui tantum in eo fidei speique reposuit ut ei cum personatu curam animarum sine scrupulo conscientiae commendaret. In quo stupor apprehendit omnes, & aures tinniunt audientium, cum tam diversa meritorum reportent stipendia inutilitas auxilium & religio dejectionem. Est aliud praeterea quo gravius uritur & urgetur animus meus, quod non sereno vultu scripta mea recipitis, nec apud vos finem fortiuntur acceptum. De regularibus autem Clericis cum teneat communis usus Ecclesiae ut Archidiaconi vices agant in episcopatibus, vel parochiales curas obtineant, de praedicto fratre nostro Noviomensi Cancellario non sine gravi cordis scrupulo sustineo quod eum sic arbitrij vestri sententia debeat praedamnare; maximè cum preces meas pro eo susceperitis, & commendationem dignam gratia sine gratia remitti non meruerim. Hoc praeterea vobis adnuntio, quicquid alij dixerint, quod in ejus promotione & communis consensus Canonorum affuit, & nullam audivi sonuisse contradictionem.

Vide Bullam Alexandri III. apud Jacobum le Vasseur in Annalibus Ecclesiae Noviom. pag. 897.

*ALEXANDRI III. PAPAE
epistola ad Henricum Archiepiscopum Remensem, qua superioribus litteris respondet.*

Alexander Episcopus servus servorum Dei venerabili fratri Henrico Remensi Archiepiscopo salutem & apostolicam benedictionem. Cum significasses nobis quod nec litteras nec nuntios tuos benigniori oculo respiceremus, nec preces tuas super negotio Atrebatensis Episcopi vellemus admittere, satis mirati sumus qua de causa turbatio ista in animo tuo provenerit, & quibus argumentis gra-

An. 1170.

tiam & dilectionem nostram circa te refriguisse conicere potuisti. Non enim ita immemores sumus magnificæ devotionis & utilissimi obsequij quod nobis & Ecclesiæ Romanæ in necessitatis articulo prompto animo impendisti ut non te sicut carissimum fratrem nostrum & firmissimam columnam Ecclesiæ sincerissimo diligamus caritatis affectu, & tam nuntios quàm litteras tuas liberali semper animo videamus, & gratanter pro te velimus efficere quicquid cum Deo & justitia & honestate nostra possimus & pro aliquo fratrum nostrorum essemus facturi; nec recolimus nos unquam tuis precibus obviaſſe, quas salva forma justitiæ & honestate nostra potuimus exaudire. Immo plerunque præter officij nostri debitum tuæ curavimus fraternitati deferre & satisfacere voluntati. Quapropter hæc in animum tuum non descendant; sed omnem hujusmodi sollicitudinem & anxietatem deponas. Et si quando petitionibus tuis non ad votum annuimus, non voluntati nostræ, sed potiùs meritis negotiorum ascribas. Desiderium namque, sicut diximus, & voluntatem habemus ea quæ cordi sunt tibi gratanti animo exequi & votis tuis, in quibus expedit, benignum semper & promptum favorem præbere. Tu verò, sicut vir discretus & prudens, in omnibus agendis tuis cautè & providè ambules, suffraganeos Ecclesiæ tuæ benignè & mansuetè pertractes, & de Ecclesiis beati Petri propriis, quæ in tua provincia constitutæ sunt, non tamquam de tuis disponas, sed eas in sua libertate relinquant. De cetero super negotio dilectæ in Christo filia nostræ nobilis mulieris Constantiæ sororis tuæ uxoris Comitum Tolosanensis venerabilibus fratribus nostris Sueſſionensi, Ambianensi, & Laudunensi Episcopis consideratione fraternitatis tuæ efficaciter scripsimus prout novimus expedire. Verùm quia, sicut accepimus, in instrumento dotalitij

fui testes conscripti sunt, ipsos auctoritate nostra & tua moneas & inducas ut amore justitiæ testimonium perhibeant veritati. Sicut enim periculosum est iniquum falsumve proferre, ita quoque bonum est veritati testimonium perhibere. Ad hæc, dilectum filium nostrum magistrum Paganum tibi devotum admodum & fidelem providentiæ tuæ propensius commendamus, rogantes ut ei benefacias & habeas multipliciter commendatum, quem scis pro suo negotio tanto tempore apud nos moram fecisse. Negotium enim pro quo eum misisti citò satis & compendiosè expedivimus. Datum Beneventi v I, Kal. Septembris.

*EIVSDEM ALEXANDRI
epistola ad Decanum & Capitulum Ecclesiæ
Parisiensis, de residentia Canonorum fo-
rinfecorum.*

Alexander Episcopus servus servorum Dei di- An. 1170.
lectis filiis B. Decano & Capitulo Parisiensi
salutem & apostolicam benedictionem. Ea quæ ad
incrementum Ecclesiarum & venustatis spectant de-
corem, juxta officij nostri debitum studiosius prose-
qui volumus, & iis promptam curam & diligentiam
adhibere optamus quæ ad vestrum & Ecclesiæ vestræ
cognoscimus pertinere profectum. Ex litteris autem
quas nobis devotio vestra transmisit evidenter acce-
pimus quòd quia quidam vestrum alienis insistentes
negotiiis, rarò Ecclesiæ vestræ sui præsentiam exhi-
bebant, & ceteri eandem licentiam absentandi se
velint habere, communi consilio illos Canonorum
vestrorum forinfecos ordinastis qui per medietatem
anni in Ecclesiæ vestræ servitio assidui non fuerint,